

ЯНВАРТЬ

18-це шистонза 1941 кизоня

8 (1804)

ПИТНЕЦ 5 тр.



Комсомолонь ВАЙГЯЛЬ

ВЛКСМ-нь Мордовский обкомъ и саранский горкомъ газетасна

ЛИСЕНДИ

9-це КИЗОСЪ

Адресъ: г. Саранск,
Советская ул., Дом печати.

По-большевицки анокламс РККА-в очередной призывти

Сталинский Конституцияса сёрматф: «Отечествать араламац ащи СССР-нь эрь гражданинъ священный долгокъ». Ня валхнень эса азфт советский патриотонъ чувстват.

Советский ломаттне лувондсаъ социализманъ странанъ воинский званиянь лемть инь оцю честекс. Военной службати призывонъ шитне минцонк архихть всенародный торжествакс. Тянь нясье минь 1940 кизоня призывтъ этафтом-стонза.

Сядот од ломань атакзакшнестъ льготатнень эзда, конат максевсть тейст законц коря. Лама призывниконъ родитель зняльдсть досрочно зачислить синь цёраснон военной службас, штоба араламс минь странаньконъ мирнай трудонц.

1940 кизоня Мордовский республикасъ Красной Армияти макссь достойнай пополнения. Армияв туф од ломатнень высокая культурная уровеньна, а синь эздот ламотъ аф калдяв военной подготовксна.

Призывтъ образцовайста этафнемац ащи почетнай задачкас аф аныпек военкоматтнеиди, но и комсомольский, профсоюзной организациятнеидивок, сембе общественности.

Якстерь Армиять боевой знаменанзон алу призывда инголе военкоматтне этафнихть анокламанъ оцю работа. Тя работасъ ушеткшни приписать эзда сявомок и аделакшневи служба прважамать мархта.

1941 кизонь январь кемонце шистонза сявомок 30 шинцы молемс Мордовияса призывной участка моли гражданонъ приписка:

- а) конат шачеть 1922 кизоня;
- б) конат шачеть 1923 кизоня, конатнень ули законченая средняя образованиена или конат тонафнихть средней школатъ 10 классонза и техникумнень выпускной курсонъ эса;
- в) старшай призывной возрастъ, конат кодама-либа причина са тядя инголе ашезь ётне РККА-в призывонъ приписать.

Приписать аделамда меле эстакиге жа ушеткшневи призывти анокламанъ работасъ. Сембе аф грамотнай и малодграмотнай призывникне должетт улемс тонаффт школатнень эзда, коса синь эрийхть, июльть васенце шинцы самс, а аф шумбратне эривихть пчкафтомс 1941 кизонь августъ васенце шинцы самс.

Народнай образованиень оргаттне и здравоохранениень оргаттне тиникне должетт кярмодемс тя тевти, штоба призывной комиссиять ётамста минь призывниконьке уелыхть здоровайхть и грамотнайхть.

Государственный важностень тя тевтъ эзда ширеса не должетт улемс комсомольский организациятневокс. Синь обязатт лездомс военкоматтнеиди призывти анокламанъ работасъ.

Белопиттнень каршес войнасъ служай примеркс сянди, кодама значения минь должеттама максемс лыжной спортти. Лыжаса якама апак машт аш кода ваятемс успешнайста тялонъ условиятнень пингста военной операций. Лыжной спортс воспитандакшни ломань эса воля и настойчивость, смелость, физическая закалка и выносливость. А нят качествене эрь воинти ашихть инь необходимайкс.

Аныпек комсомольский, профсоюзной организациятнень активной участиясон вельде можна пашкодемс родина тинголе тя ответственной задачатъ.



СНИМКАСА: «Г. Седов» Ледоколъ капитанъ Советский Союзонъ Геройс К. С. Бадигин эсь рабочей кабинетсонза.

(Фотосъ ТАСС-тъ).

Мордовиянь комсомолецнеиди Пензенский областень комсомолецнень вызывсна

Тернетядязь тинь, Мордовский АССР-нь комсомолец ялгат, социалистический соревнованияс лыжной кросст образцовайста этафтоманц и военно-физкультурнай анокламанъ цебарьста ладяманц никса.

Минь, Пензенский областень комсомолецне, сявонтияма эсь лангозонк социалистический тяфтама обязательстват:

1. Примамс активной участия Якстерь Армиять XXIII годовщианц лемса Всесоюзнай лыжной комсомольский кросст (соревнованияхъ) эса.

Фатамс лыжной кросст мархта областень сембе комсомолецнень. Кросст ушедоманц самс сембе комсомолецне должетт максомс БГТО и ГТО I ступень

значоконди норматнень лыжас коря или маршевай (пешай) анокламас коря норматнень.

2. Анокламс 1941 кизоня 1000 инструктор-общественник физический культуру коряс.

3. Комсомольский организациятнеиди регулярна этафнемс военизированнай похотт, тактический ученият стама условияса, конат малатфт боевой обстановкати.

4. Пуроптомс эрь колхозса, сембе комсомольский организациятнень эса физкультурнай коллектифт.

5. Тонафтомс санитарнай тевс сембе стирьнятнень-комсомолкатнень.

ВЛКСМ-нь Пензенский обкомс.

РККА-ть XXIII годовщианц лемса лыжной комсомольский кроссти анокламаса и сонъ йотафтомасонза Пензенский областень комсомольский организациять мархта социалистический соревнованиять колга

ВЛКСМ-нь Мордовский обкомъ бюронц постановленияц

1. Примамс ВЛКСМ-нь Пензенский обкомъ РККА-ть XXIII годовщианц лемса лыжной комсомольский кроссти (соревнованияхъ) инь цебарьста анокламанъ и сонъ этафтоманц никса Пензенский областень и Мордовский АССР-нь комсомольский организациятнень ётка социалистический соревнованиять колга предложениянц.

2. Обязать ВЛКСМ-нь райкомтнень, горкомтнень и военно-физкультурнай работас коря комиссиятнень 1941 кизонь январь 20 шини самс обесудить Пензенский областень комсомолецнень обязательствасон райкомонъ и горкомонъ бюроса и первичнай организациянь открытай комсомольский собра-

ниятнень эса и организовадамс комсомолецнень ётка тюрема Пензенский областень комсомолецнень мархта социалистический соревнованияса первенствать никса.

3. Обязать «Молодой ленинец», «Ленинэнь киява» и «Комсомолонь вайгяль» газетатнень редакциясон организовадамс газетанъ странипатнень эса кроссти анокламаса и сонъ этафтомасонза Пензенский областень и Мордовский АССР-нь комсомольский организациятнень ётка работанъ опытонъ подафтома.

ВЛКСМ-нь Мордовский обкомъ секретарец И. СОЛОВЬЕВ.

ВОЕННО- ФИЗКУЛЬТУРНАЙ РАБОТАТИ ЭРЯВИКС МЯЛЬ

Пашкотышнемок ВЛКСМ-нь ЦК-ть этаф пленумонзон решениясон, Рыбкинанъ районнай комсомольский организацияс аф кржа работас од ломатнень ётка военно-физкультурнай работат коряс. Комсомольский организациятнень непосредственной участиясон вельде района организовадаф ОСО-нь 54 первичнай организация 1.026 член мархта. Нят четтнень инь ламосна комсомолец. Аныпек колхозга лувондови 517 комсомолец-осоавиахи-мовец.

Цебарь примерхт военно-физкультурнай работаса няфни Черемисовский велень советста «Путь Ленина» колхозста комсомольский организацияс. Тяса ОСО-нь организацияса лувондови 29 член. Председательс-комсомолец Трункин ялгас анокласъ 8 Ворошиловский стрелоконъ значкист.

Тяфта жа обороннай работаса аф калдяв пример няфнихть Уст. Рахмановка велень комсомолецне. Тяса синь организовадасть од ломаттнеиди лама обороннай кружокт.

Тяда башка ОСО-нь районнай Советс организовадасъ 13 группа военной обучениять коряс, коса занимадай 88 комсомолец. Организовадаф 3 ЮВС-нь группат, коса тонафни 13 комсомолец.

Тяни комсомолецне вишкста аноклайхть лыжной комсомольский кроссти. Комсомолец Трункин ялгасъ («Путь Ленина» колхозста) лыжаса тренировкатнень пингста сатье ни аф калдяв результатт. 10 километрнъ дистанциять сон ётазе 1 част 4 минутанъ пингста.

Сави азоме, што района улихть нинге комсомольский организацият, конат лыжной спортт мархта ёфен аф занимадакшнихть. Тяфтама организациянь лувкс сувсихть Од Рязанонъ (коса лувондови 20 комсомолец), Оцю Оязонъ средней школанъ, (коса лувондови 40 комсомолец) первичнай комсомольский организациятне. Тяса ашестъ организовада нинге фкявок команда лыжатнень коряс.

Нят организациятнеиди эриви учеть эсь афсатыкссон и ладямс военно-физкультурнай работатъ стания, кодазя синь ширдест веши партияс и комсомолс.


С. Метляков.

Рыбкинский район.

СОВЕТСКИЙ ПРИБАЛТИЙСКИЙ РЕСПУБЛИКАТНЕНЪ ЭЗДА НЕМЕЦЕНЪ ПЕРЕСЕЛЕНИЯСОН КОЛГА

Кода пачфнесы германский информационнай бюросъ, немецнень переселениясон колга январь 10-це шистонза соглашениять коряс Германияв должен мрдас 45 тежянь немец, конат эрийхть Литваса, и 12 тежянь немец, конат 1939 кизонь сёксенда переселенияда меле ладеть Эстонияв и Латвияв. Германияв на группатнень переселениядост меле сембоц мрдаф немецта кармай улема 500-шка тежянь ломань.

(ТАСС).



Таллин ошть ваксса—Немаса-Таллин ошень трудяйхнень талонь пингонь ваймань инь кельгома вастсна.

СНИМКАСА: Немаса од ломанень группась лыжной прогулка.

Фотось Н. Яновъ (Фотось ТАСС-ть).

Работань дебарь пример

Сянь пикса, штоба нинге сяда дебарьгофтомс колхознай видьмонь сортнень, эряви аф аныцек модань дебарь участка, но и эряви эсь пингова сонь сзтомшка удобрядамс.

Тяфтама мяххнень дебарьста, например, этафнесыне эряфс З.-Полянский госсортсемучасткась. Од Выселкань куста сортсемучасткань агрономъ К. Г. Иванов ялгать руководстванца ала таниень пингть вятви оцю работа ловонь кирдемаса. Тяся синь сембе участка веледа-келес стяфнень ловонь кирдемс щитт и, тядя башка, ускеть ни 500 усф назем.

Сортсемучасткань рабочайхне эрь шиня лисендихть паксяв, варчсезь кода кирдеви ловсь и сяка пингста полафнесазь щиттнень вастсон.

Тя дебарь кепотьксть эряви фатымс эрь колхозти, эрь колхознай комсомольский организациити и по-стахановски этафнемс паксяса ловонь кирдема мероприятиятнень.

Г. Лобурев.

З.-Полянский район.

ВЛКСМ-нь ЦК-са

ВЛКСМ-нь ЦК-сь утвердил комсомольский организациитнень ты кизонь весенне-летний периодонди военно-физкультурнай мероприятиясн колга план.

КОМСОМОЛЬСКИЙ ОРГАНИЗАЦИТНЕНЬ МАССОВОЙ ВОЕННО-ФИЗКУЛЬТУРНОЙ МЕРОПРИЯТИЯНЬ ПЛАНЦНА

1941 КИЗОНЬ АПРЕЛЬ—СЕНТЯБРЬ

АПРЕЛЬ:

1. Комсомольский организациитнень первомайский парадса участиянди анокламаса. Первичнай комсомольский организациитнень эса постояннай подразделениань созданиась и синь строевой подготовкаса.

2. Гимнастика ГТО комплексонь программать коряс норматнень максомаса соревнованиатне.

3. Комсомолецнень вийснот мархта спортивный площадкань тиемась и оборудованиась.

МАЙ:

Массовой комсомольский кросс (соревнования), конат посвященыхть большевистский печатень шити, коза таргамс од ломаттнень, конат аф ашихть комсомолса.

Москуса и Московский областсьа—кросс «Комсомольский правдаты» лемса.

Вастова—кросс областной и республиканский газетатнень лемса.

Кроссне этафневихть ГТО-ть комплексонь дистанциязон коряс.

ИЮНЬ:

1. Комсомольский велокросс (соревнования), коза сувафтомс участиянди од ломаттнень, конат аф ашихть комсомолса.

Кроссь (соревнованиясь) этафневи ГТО-ть комплексонь программанц коряс.

2. Массовой спортивной соревнованиат пятиборьхть коряс первичнай организацияса лучшей комсомолецть-физкультурникть инкса. Соревнованиятне этафневихть специальна разработаннай программань коряс.

3. Соревнованият городкаса налхкомань коряс.

ИЮЛЬ:

1. Физкультурниконь Всесоюзнай Шити анокламаса и сонь этафтомасонза участиясь:

а) парадти анокламань коряс строевой занятият;

б) заводской, колхознай спартакиадатнень эса участиясь;

в) горнай райоттнень эса комсомолецнень панттнень эзга походсна.

Стирьнятнень-комсомолкатнень санитарнай соревнованиасна.

2. Военно-Морской Флотонь Шити этафтомаса участиясь: воднай праздникит и комсомольский соревнованиат уемань, ведьти комотемань, греблян, шлюпочнай гонкань коряс и стак тов.

АВГУСТ:

1. Комсомолецнень открытай военно-физкультурнай соревнованиат ГТО-ть комплексонь сембе видонзон коряс.

2. Комсомолецнень военно-тактический ученият XXVII-це Международнай Юношеский Шити чествс.

3. Международнай Юношеский Шити чествс—сентябрь 7 шистонза парадти строевой подготовкасы.

СЕНТЯБРЬ:

1. XXVII Международнай Юношеский шити этафтоман.

2. Комсомольский организациитнень стрелковой соревнованиасна.

* * *

Намеченнай мероприятиятнень пашкодемаса главнайцельхнень эздафкясь—комсомолецнени максомс ГТО-нь комплексти норматнень.

Планца азф мероприятияда башка, сембе кофнень пингста, должетт улемс этаффт: военно-тактический играт; военнизированнай пешай перехотт, кросс, велокросс, туристский похотт местнай и дальний маршрутонь коряс.

ВЛКСМ-нь ЦК-сь.



Лось-бкаты лангс талонь охотась (облавань вельде сире лосень специальнай отстрелсь) Серпуховский охото-хозяйстваса «Динамо». (Московский область).

СНИМКАСА: охотникс В. Д. Чепурный—Московский автодорожной институтонь аспирантсь, моли ранендаф лость шири.

Фотось Н. Алексеевть (Фотось ТАСС-ть).

ВЛКСМ-нь райкомть пленумста

Нят шитнень этась ВЛКСМ-нь Рыбинский райкомть очередной пленумоц. Пленумсь кулхондозонь Рыбинань средняй школаста комсомольский организациит секретаренц Филькин, Оцю Озязонь средняй школань комсомольский организациит секретаренц Сорокина ялгатнень докладсон, кода, именна, синь этафнесазь эряфс ВЛКСМ-нь ЦК-ть X-це пленумонц решениязон.

Тя кизефксть коряс пренияса выступаяй ялгатне азозь, што районца школатнень эзга комсомолецне нинге калдыаста тюрхить успеваемость касфтомани инкса. Оцю Озязонь средняй школаса абсолютнай успеваемость тачимс нинге 74,9 процентта вельф апак этафтт, а Рыбинань средняй школаса нинге тядонга ёмла—71 процент.

Тя кизефксть коряс пленумсь примась соответствующай решения, конат направленной сянди, штоба дебарьгофтомс школаса комсомольский организациитнень работаснон.

С. Метляков.

Рыбинань район.

Якстерь Армиять XXIII годовщианц лемса лыжной комсомольский кроссть (соревнованият) йотафтоманц коряс ВЛКСМ-нь ЦК-ть видеса оргкомитетса

Якстерь Армиять XXIII годовщианц лемса лыжной комсомольский кроссть (соревнованият) этафтоманц коряс ВЛКСМ-нь ЦК-ть видеса оргкомитетсь ульсь заседанияц. Оргкомитетсь примась Якстерь Армиять XXIII годовщианц лемса лыжной комсомольский кроссти, маршевай (пешай) соревнованиатнени первичнай комсомольский организациитнень готовностьсонды смотрань этафтомать колга постановлениа.

Оргкомитетсь обязал райкомонь и горкомонь военно-физкультурнай комиссиятнень 1941 кизонь январь 20 шистонза сявомок 30 шинцты модемс этафтомс смотр лыжной кроссти и маршевай (пешай) соревнованиатнени первичнай комсомольский организациитнень готовностьсонды.

Райкомонь и горкомонь военно-физкультурнай комиссиятнени марьгф ти емс смотратнень этафтомс календарнай план и кемокстамс комсомольский активъ эзда смотратнень этафтомс специальнай уполномоченнайхть, коза келеста таргамс физкультурнай и

спортонь мастерхнень, физкультурнай работникнень, врачнень. Ялгатнень мархта, конат кемокстафт смотратнень этафтома, военно-физкультурнай комиссиятне обязатт этафтомс смотратнень этафтомаснон колга тщательнай инструкторх.

Смотратнень пингста должетт улемс проверяф:

а) лыжной кросса и пешай соревнованиася участикнени—комсомолецнени освидетельствованиат этафтомаса работань состояниась;

б) кроссть эса участниконь лувкссь, командань (пятеркань) комплектованиать молемац и синь мархтост тренировочнай минимумть пашкодеман;

в) комсомолецнень ширде ГТО комплексонь лыжной норматнень максомасна;

г) комсомолецнень ширде эйндамать эзда предупреждениань тиемаць и эйндама пингста первай помощонь максомаса правилатнень содамасна;

д) лыжной инвентарть состояниац, коза ащи лыжной базава и комсомолец-

нень личнай пользованияса.

Смотратне этафневихть кода практический занятият старту лисема мархта и установленнай дистанцияс коря соревнованиань этафтозь. Кроссти готовность проверяманц мархта фкя пингова смотратне должетт улемс келеста использовандафт и комсомолецнень ширде ГТО комплекса лыжной и пешай норматнень максомаса.

Оргкомитетсь установил, што смотратнень аделамдот меле райкомонь представительсь тии доклад общай комсомольский собранияса итокенень колга и пачфтысьне результаттнень райкомонь и горкомонь военно-физкультурнай комиссиятнени.

Оргкомитетсь лувозе целесообразнайкс смотратнень совместить профсоюзнай Всесоюзнай кроссть эса комсомолецнень участияснон мархта. Эрь комсомольский организациит обязанность—обеспечиндамс профсоюзнай кросса комсомолецнень и аф союзнай од ломаттнень массовой участияснон.

Оргкомитетсь обязал комсомолонь райкомтнень и горкомтнень видеса военно-физкультурнай комиссиятнень, физкультурнай организациитнень мархта марса обеспечиндамс 1941 кизонь январь 25 шинцты дистанциян анокламань, судейский коллегиян пуротомать и контрольный аппаратъ лыжной

и пешай соревнованиатнень этафтоме.

Обкомтнень, крайкомтнень и союзнай республикатнень эса комсомолонь ЦК-нь видеса оргкомитеттнени марьгф обеспечиндамс руководства и лексонь максомс районнай комсомольский организациитнень эса смотратнень этафтомаса.

Оргкомитетсь тяфта жа примась постановлениа районнай (ошень) комсомольский организациитнень эса лыжной кроссть этафтомаса графикнень колга.

Оргкомитетсь обязал комсомолонь райкомтнень, горкомтнень видеса военно-физкультурнай комиссиятнень 1941 кизонь январь 25 шинцты анокламс календарнай платт лыжной кросса и пешай соревнованиатнень эса первичнай комсомольский организациитнень выступленияснон колга. Графиксь должетт четкайста определить эрь первичнай организациит соревнованиань шинц и вастонц.

Обкомонь, крайкомонь и союзнай республикатнень эса комсомолонь ЦК-нень видеса оргкомитеттне обязатт 1941 кизонь январь 30 шинцты утвердить райоттнень и ошнень эса лыжной и маршевай (пешай) соревнованиатнень этафтомаса календарнай платт.

Тев, конад мзярдонга аф эряви юкснемс

С.-Дракинань средний школаса калдыста ладяф кружковой работася. Тянь колга корхтай васендакиге ся фактес, што этаф пингтэ эзда апаж аноклак школаса фьявок значкист.

Формальна пуропфт ПВХО-нь, ВС-нь и ГСО-нь значокс норматненъ максомаса кружокт. ВС-нь кружокти сёрматфс 42 учение. Руководитель Сараев ялгася васенда этафс кой-мзяра заняти, но нят занятиненъ сядя тов модьфтемаснон мес бди лоткафтозень.

ГСО-нь кружокс нинге этай кизотъ сявондс обязательства Великой Октябрьской революция XXIII-це годовщианцты анокламс 42 значкист, а тевса тачимс фьявок значкист ашесз анокла.

Тяфтама жа положениася ПВХО-нь кружоктэ эсонга, конанц мархта руководит 10 классонъ ученицася Кожевникова Есаяс. Ученикне аф вестъ мзяргонцъ Кожевниковати, штоба организовандася кружокт работанц, но синь ответонди получакишхть аныцек обещаният.

Тя сембе результат сянди, што школанъ комсомольский организацияс (секретарс Кулашин ялгася) аф занимадкшн кружковой работат мархта. Сон юкстазе, именна синь, што кружковой работат вельде эрявихть таргамс од ломаттненъ участвовандам сят мероприятияненъ эса, конатненъ этафнесыне комсомольский организацияс. Эряви маляфтомс, што кружковой работася тев, конад мзярдонга аф эряви юкснемс.

Китов.

Ковылкинский район.

Ученикненъ военный воспитанияснон инкса аф тюрихтэ

Школатненъ эса военный воспитаният коряс работат вятемаса должетт активной участия примамс педагогический коллективс, комсомольский и пионерский организациятне. Но аф тяфта тянь колга арьсхть Левжа велеса. Тя велень аф полнай средний школаса кодамовок оборонно-физкультурнай работа аф этафневи, лувондсавъ тянь второстепеннай важностень тевкс. Тачимс апаж организовандак обороннай значокс норматненъ максомаса фьявок кружок.

Наднятама, што школат директорц Талышкинц маластонъ пингтэ ладясы тя важнай тевтэ образцовайста.

Н. Адмакин.

Рузаевский район.

ЛАМОС ЛИ НИНГЕ ТЯФТА КАРМАЙ МОЛЕМА?

ВКП(б)-нь XVIII-це съездс макссь комсомольский организациятненди прават няфнемс инициатива парторганизациятненъ инголе хозяйственной организациятненъ производственной деятельностиснон колга кизефксонъ путнемаса. Тя инициативат практически эряфе этафтоманц коряс зачатненъ яснайста определил ВЛКСМ-нь ЦК-ть VIII-це пленумом, конад обязал комсомольский организациятненъ лездомс партийнай организацияти производстваса тевтэ цебарьгофтомаса. Тя значит, обсуждат комсомольский собраниятненъ эса и производствати касающей кизефкстка.

Пяшкотышнесыне ли нят зачатненъ Сире Сомай велень организацияс? Аф. Тяся первичнай организацият работанъ практикасонза нинге аш ся, штоба интересоватся колхозт эршинъ эряфонц мархта. Мезьса, кда аф тянь мархта, можнат азондомс сят возмутительнай безобразиятне, конат улихть тачимс тя велень «Якстерь знамя» колхозса. Колхозт председателец Дадаев инъ грубай формаса нарушае вельхозартелень уставт, общай колхознай собраният разрешениафтома

мишенди алашат и лия жуватат, а тяфта и сёрот, собраният пуропни случайста-случайс. Ревизия колхозса омбоце кизосъ ни ашель.

Тяни сембе колхознай крестьянствася аноклай васьфтемс ВКП(б)-нь XVIII-це конференцият тунданъ видемати отлучнайста анокламаса. Но «Якстерь знамя» колхозса тя кизефксъ нинге косонга необсуждался. Колхозонъ правленияс тунданъ видемати анокла-матъ колга нинге афи арьси. Видьмот-не апаж сортировандакт, инвентарс ащи ловт ала. И тя кизефксонга комсомолецне занхитъ аныцек наблюдательнъ роль, мирендакишхть тяфтама неторопливостъ мархта.

Колхозти тяфтама нетерпимай отношенияс колхозт руководителейзон ширде повторяется кизода-кизос. Аф случайна, што сон эр кизоня ащекш-ни районца инъ мекольденъ васттненъ эса.

Рыбкинанъ районнай организациятне должетт «Якстерь знамя» колхозт руководстванц колга азомс эсь вескай валсон.

Кубасов.

Рыбкинский район.



Латвийский ССР-нь операнъ и балетанъ государственнай театраса (Рига ош) «Лауренсия» балетат премьерат.

СНИМКАСА: Покрывала мархта танепсь.

Фотосъ В. Калининштъ (Фотосъ ТАСС-ть).

Лыжный кроссонъ (соревнованиянъ)

участникненди медицинский освидетельствованиянъ йотафтомасъ

СССР-нь здравоохранениянъ народнай комиссариатс и СССР-нь СНЕ-ть виде-са физкультуранъ и спортонъ тевтэ коряс Всесоюзнай комитетс подласть лыжный кроссонъ (соревнованиянъ) участникненди медицинский освидетельствованиянъ этаманц колга специальнай инструкция.

Лыжникне этасавъ медицинский осмотрт эряма вастсост амбулаторият-ненъ и поликлиникатненъ эса, а работама вастсост—здравпунктненъ эса. Велеса осмотрасъ этафневи врачебнай участкатненъ и фельдшерский пункттненъ эса.

Добровольнай спортивной обществанъ четтненъ обслуживандакшнесавъ спортивной организациянъ врачне.

Учебнай заведениянъ учащайхне осмотратъ могут этамс сят врачненъ пале, конат обслуживандакшнесавъ ня учебнай заведениятненъ.

Сятненъ кядс, конат этазъ медицинский осмотратъ, должетт максевомс кросса участвовандам нолдамаснон колга письменнай заключеният. Списканъ максома пингста врачъ подписец пут-неви кросса участиконъ эр фамилият каршес участвовандам нолдаманц колга графати.

Медицинский осмотратъ этаманц эзда освобожденнай лицатне, конатненъ ули медицинский разрешениясна учебнай заведенияс, добровольнай спортивной обществаса, спортивной школаса и клубса физкультурнай занятиятненди нолдамаснон колга, а тяфта жа ГТО комплексонъ норматненъ максома нолдамаснон колга. Тяфтама случайста организациятненди, конат кроссу участвовандам выставляють командат, максехть кроссонъ судейский коллегиятненди документт нят липатненъ медицинский осмотранъ этамаснон колга.

Организациятне, конат участвовандахть кросса, обязатт тиэмс медицинский осмотратъ этаманц колга график и келиста азондомс сонъ колганза кроссонъ участникненди.

Сознательнай дисциплинатъ и оцю успеваемостт инкса

Аф кунара Торбеевский районца ульс этафт учителяне районнай совещания. Совещанияс васенце кизефксонс ульс «Мероприятиятне сознательнай дисциплинатъ воспитаниянц коряс и района школатненъ работасна». Тя кизефкст коряс доклад мархта выступил РОНО-ть заведующайнц обязанностензон исполняющайнц Рябов ялгася.

Довладтэ и пренияс корхтаматненъ эзда няевсь, што районца школатненъ лемосна тистъ оцю работа дисциплинатъ кемоктамаса, конад ащи важнай условияс оцю успеваемостт и посещаемостт касфтомаса. Краснохуторский начальнай школаса, коса заведующайнц работай Беспалова ялгася, успеваемостс отличнай и цебарь. Посредственной отметкат эрьсхть пак шуроста. Мордовский АССР-нь Наркомпротс мархта максф контрольный работатненъ ученикне пяшкотышнесавъ аныцек отлучнайста и цебарьста. Тяфта жа тевс ащи и Лопатинский аф полнай средний школаса, коса директорс работай орденосецс Журавлева алгася. Педагогический коллективс, использовандамон Журавлева ялгася педагогический мастерстванъ опытоноц, сатс аф калдыа дисциплина, посещаемостъ и успеваемостъ.

Но сатфкста башка улихть пак оцю аф сатыкст. Лама школат 1940—41 тонафема кизотъ васенце полугодиянц аделазъ пак калдыа результатс, ашестъ машта ладямс цебарьста учебно-воспитательнай работат, кой-кона подколлективненъ эса тачимс мушендхть васта склокатне, эрьсхть пьянкат и стак тов. Сембе нят кирнесавъ школаса нормальный работат. Малышевский средний школаса завучс Бормусовс ватьсь эсь принц калдыавста, сидеста можна няендемс сонъ ирепта.

Тяжа жа школаса мушендхть васта любовнай интриганъ фактне. И аф случайна ся, што Бормусовс эсь дисциплиназон коряс сатнесъ успеваемостъ 17 процент. Мзярда кармае сонъ мархтонза корхнема ёлма успеваемостъ колга школанъ директорс, то сон одукс тиезевъ оценоктненъ и сатс успеваемостъ 66 процент.

Тя фактс корхтай синь колга, конашкава безответственнайста относятся кой-кона учительне тейст порученнай важнай тевти. Аф ули эльбяткс, кда азсасъ, што тяфтама учительти аф максевеи стама образования школьникти, стама качестват, кодапт веши минъ сталинский эпоханьне.

Школатненъ эзга ёлма успеваемостс, и лафча дисциплинае азондови синь мархта, што аф сембе учительне побоевому кярмодств синь лангзовост путф зачатненъ эряфс этафтомаснонды.

Салазгарьгонъ средний школаса учительница Абуткинае, тяжа жа школаса историянъ преподавательс Скупневский ялгася аф старандахть синь инкса, штоба максемс ученикненди глубокай знаният. Материалт ученикне содасавъ поверхностнайста. Виндрейский средний школаса ветеце класса успеваемостс насенце четвѣртста ульс 17 процент, а омбоце четвѣртста—36 процент.

Нинге сядонга позорнайхть фактне Салазгарьгонъ средний школат начальнай классонзон эса. Климова учительница класса 30 ученихть эзда успевають аныцек вете. Хилковский средний школаса тяфта жа улихть класст,

коса 37 ученихть эзда не успевають 32.

Калдыавста ладяф школатненъ эса внешкольной работася, антирелигиознай пропагандася, аф грамотностъ и малограмотностъ машфтоманц коряс работася. Учителхне ашесз шарфта сембе эсь мыльсон тянь шири.

Оцю позор тя тевса প্রশেনди школьной комсомольский организациятненъ лангс. ВЛКСМ-нь ЦК-ть X пленумонн решениянзон коряс комсомолецне школаса обязатт улемс застрельщикокс отлучнайста и цебарьста тонафнемат инкса тюремаса. Но аф тяфта ащи тевс Торбееваса. Комсомолецненъ успеваемостсена аныцек 51 процент. Аш кода этамс РОНО-ть лафча руководстванц ваксавок. РОНО-ть работиконза лисевдхть кабинетстост аныцек эста, мзярда тейст пачфтихть куля кодама-кодама школаса скандальный тевои колга. Работанъ тяфтама практикае кодамовок польза тевти аф канды.

Совещанияс ульс кулхцонфт международнай положениат, трудящайхненъ коммунистический воспитанияснон колга докладт.

Д. ДУЙКОВ.

Учителень усовершенствованиянъ институтт сотрудинкоц

Сувада ою урожайнка соревнованияти!

Минь странасонк колхознень эса келемкшни социалистический соревнованиясь XVIII партийнай конференциять честсь. Колхозникне сявондихть эсь лангозост обязательстват васьфтемс конференциять производственной од победаса, отличнайста анокламс тундань видемати.

Тя замечательнай движенияса активнайста участвовандайхть велень комсомолецне. Лама колхозонь, совхозонь, МТС-нь комсомольский организацият выступандайхть ою тевопн инициаторкс и организаторкс колхознай паксятнень лангса урожайности касфтомаса. Синь этафнихть ловонь кирдема, усксихть паксав удобрений, ремонтнорандайхть инвентарть, сортировандайхть видьмот. Саратовский областса Курпловский райононь комсомолецне, например, анокласть ни и стяфнест паксав ловонь кирдема пцтай 30 тэжянь шит. Курпловцеиень тя починчон фатязь областса сембе комсомолецне.

Запорожский областень колхознень эса од ломаттнень активнай лезксон велде строяф 3 тэжянда лама навозохранилища. Смоленский областса Велижский райононь эр комсомолец сявс обязательстват кочкамс аф 5 центерда кржа кулу. Тяни областень райоттнень эса кочкаф тяфтама ценнай удобренияда 845 тонна, а тяфта жа аноклаф 330 тонна саразонь помет и 2.755 тонна торф. Сяка жа пингста комсомольский организацияне деятельна участвовандайхть вельхозинвентарть ремонтнорандамаса, видьмонь сортировандамаса и ст. тов.

Ловонь кирдемаса и удобренийн кочкамаса ушедсь практический работась и лама лия областке. Курский областса Красноаружский райононь комсомолецне и комсомолкатне решили кирдема лов и ловонь ведь 10.000 гектаронь площадь лангс. Январьста тя района пуропневи молодежнай 60 бригада видьмонь сортировандама и местнай удобрениян кочкама. Удобренийн аноклама и ловонь кирдема листь Ярославский, Куйбышевский, Новосибирский и лия областке лама артелен од колхозникне.

Сембе тя работась ётни социалистический соревнованиян знак ала. Кне кочкай сяда лама удобренияда и ускыне синь паксав, кне машты сяда лама ловонь кирдема, кне сяда цебяреста организовандамы инвентарень ремонтнорандамат и видьмонь сортировандамат, — тундань видемати анокламаса работань сембе комплексь эса тя и тона конкретнай кизефкснень коряс вятихть соревнованиясь эсь ёткост колхозонь лама комсомольский организацият. Тяфта, например, Куйбышевский районца (Куйбышевский область) Шевченкоу лемса колхозонь комсомолецне тердезь соревнованияс соседнай велень «Путь Ленина» артелен комсомолецнень. Курский областень Красноаружский районца сембе комсомольский организациясь тердезь социалистический соревнованияс Ракитянский райононь комсомолецнень и од ломаттнень.

Ою урожайнка келептьф-социалистический соревнованиясь эряви поддежжать колхозонь, совхозонь и МТС-нь сембе комсомольский организациятнень ширде и сатоме, штоба активна участвовандайхть эсонза велень сембе од ломаттне. Комсомольский организациятнень ётка социалистический соревнованиясь должен арамс эр комсомолецть активностенц касфтомаса могунай средствакс.

Апак шумондак, по-деловому комсомолецнень эряви обсудить эсь колхозност урожайн касфтома кить, сявомс эсь лангозост конкретнай обязательстват и сувамс социалистический соревнованияти. Социалистический соревнованиян договорхне эрвихть систематически проверякшнемс. Желательна,

штоба краснай уголокнень и колхознай клупнень эса уелельхть установленнайхть соревнованиян показателень доскат, коса ба эр шине няфневоль бригадат, звенать, эр од колхозникть работац. Ою значения может кирдемс тяфтажа и договоронь взаимнай проверькаське. Фяк колхозонь комсомолецне, проверямок договорть пашкодеманц лия колхозса, могут максомс тейнза лезкс, максомс эсь опытонц и сяка жа пингста тонафнемс эсь соседсонь эзда.

Комсомолонь областной и районнай комитетне обязатт возглавить тундань видемати успешнайста анокламат инкса, 1941 кизоня ою урожайн сатомат инкса социалистический соревнованияти. Соревнованият лангса ВЛКСМ-нь обкомтнень и райкомтнень четкай, конкретнай и оперативнай руководствасна — ащи социалистический соревнованияти эр комсомолецть сувафтомаса инь эрвикс условиякс. Тя руководстват успехоц ащи сянь эзда, кода ули таргаф работати активсь, организовандаф договоронь пашкодемаь проверкац и работань опытонь полафтомась.

Ою урожайнка тюремаса ою ролец комсомольский печатть. Газетатнень эр номероост эриви келинйаста няфнемс лучшей организациян работань опытьс и социалистический соревнованият молеманц, азондомс од ломаттненьди, конашкава важнай ловонь кирдемаь эсь пингстонза этафнемац, удобренийн кочкамась и лия агротехнический мероприятиян этафтомась.

Тундань видемати образцовайста анокламат инкса, тялонь агротехнический мероприятиятнень этафтомасон инкса особай ответственность прашенды сят колхозонь комсомолецнень лангс, коса аш партийнай организацият. Тяс комсомолецненьди по-хозяйски эрвихть определить эсь колхозсонь возможностенза, азомс мезе артельсь может тиёмс, штоба касфтомс урожайть. Комсомолецне призванайхть улемс колхознай од ломаттнень и сембе колхозникнень ётка ою урожайнка тюремат инкса подлиннай организаторкс и инициаторкс.


Но аш кода этафтомс успешнайста соревнованиясь, кода комсомолецне аф кармайхть работам колхознай и совхознай производствань решающей участкнень эса — бригадаса, фермаса. Аф ваномок тянь лангс кой-кона ялгатне лувондсая сяда цебяреньди ащекшнемс канцелярияса или пашкотыкшнемс кодама-нибудь сяда тэжда работа. Тяфтама ломаттненьди эриви азомс видеата: кода тон ёрат улемс од ломанень действительнай вожакокс и оправдат комсомолонь членонь почетнай лемть, — архт фермаь, бригадав, звенаь, образцовайста трудендак, вятить эсь мельгат сембе од ломаттнень, няфнекс эсь личнай примерсот, кода эриви тюремс общественной хозяйстват сяда тов кемокстаманц инкса.

Сась пинге решительнайста путоме кизефксть велень комсомолецть агротехнический грамотностенц колга. Партиясь и правительствась максозь сембе условиятнень колхознай од ломаттнень тонафнемасонды. Эриви создавать стахановский школат, пуромкшнемс вружокс и тонафнемс агротехникать основанзон, тонафнемс социалистический земледелиянь передовикнень работань методсон.

Пцтай колма миллиотт комсомолец минь странасонк работайхть велень хозяйстваса. Тя могунай виись может и должен максомс огромнай лезкс большевистский партияи ою урожайнка, эр кизоня 8 миллиарт пуд сёронь сатомат инкса тюремаса.

М. МИТРОХИН,

ВЛКСМ-нь ЦК-ть крестьянский од ломанень отделонц заведующай.



СНИМКА: Андерсона (Англия) бомбоубежищатъ внутренний видоц. Фотосъ ТАСС-ть.

АНГЛО-ГЕРМАНСКИЙ ВОЙНАСЪ

Германский информационный бюрось пачфнесы, што январь 15-це шистонза германский авиациясь, кона лиендсь разведкас, ёрдась бомбат воинский лагерть лангс Юго-Восточнай Англияса. Тяда башка, ульсь тифт атакат моторонь подлама заводтнень, автозаводтнень и лия объектонь лангс. Январь 16-це шинц карша веть германский самолетне бомбардировандасть фяк оп Центральной Англияса. Тяфта ульсь ёрдафт бомбат Лондонть лангс.

Рейтер агентствась пачфни куля январь 16-це шинц карша веть Вильгельмсхафенть (Германия) лангс английский авиациять налетонц колга.

Кода корхтай агентствась тя налетсь ульсь сембода виюкс тяда ингольдень сембе 39 налетть ёткаста, конат тиенть-фтольхть тя портть лангс. Бомбардировкаь эзда, кона молись венберьф, тиенть ою пожархт. Тя веня английский самолетне тяфта жа атаковандазь Гаванть Брестса (Франция), докнень Эмденца, Бромсхафенца, (Германия) Роттердамса и Флиссингенца (Голландия), а тяфта жа противникъ аэродромзон и лия пунктонзон Германиять северо-западнай частьсонза и Голландиять территорияса.

(ТАСС).

АЛБАНИЯСА ВОЕННАЙ ДЕЙСТВИЯТНЕ

Американский телеграфный агентстватнень корреспондентсна пачфнесазь, што ою ловть и якшама погодать сюнеда Албанияса сембе фронттнень эса молихть мелкай столкновеният. Воюющей ширетне использовандасазь затишьять од операциятненьди анокламанди.

Греческий сообщениятнень коряс, Албанияста Грецияв пражсевичхть сядот пленнай итальянецт, сяка лувксса лама офицер.

Итальянский и греческий авиациятне действият аф мольтихть.

(ТАСС).

Тайть и Индо-Китайть границасон лангса

Рейтер агентствась пачфнесы, што Тайнь высшай командованиять официальной сообщенинц коряс, Французский Индо-Китайн войскатне ушеткшневсть атаковандам Тайнь частьтнень, но атакась ульсь отбитай. Индо-Китайн войскатненьди тифт ою юмафкст. Восточнай секторса Тайнь войскатне молихть французский территориять эзда.

Бангковский радиостанциясь пачфтезе, што Таиса французский посолсь Гарро несколькаксть беседовандас Тайнь иностраннай тевопн министрть заместителенц мархта и эняльдсь тейнза лоткафтомс границать лангса столкновениятнень. Однако, ня переговорхне исть макс кодамовок результат.

(ТАСС).

Средиземнай морян бассейнаса германский авиациять операциянзон колга

Ассошиэйтед Пресс агентстватъ сообщенинц коряс, Лондонь военнай круке арьсикхть, што германский военно-воздушнай вийхне могут тиёмс Средиземнай моряса английский флотть каршес решительнай действият. Немень ёрасазь машфтомс английский превосходствать моряса и тяфта тиёмс условият Африкаь эсь войскасон этафтомс. Налетсь, конань тиезь январь

10-це шистонза германский пикирующей бомбардировщикне Средиземнай моряса английский эскадрать лангс, ащи тя направлениясь васенце аськолкакс. Кода арьсикхть цебяреста освещеннай ломаттне, немецненьди сачендови мольтемс операцият временнай базатнень эзда.

(ТАСС).

Африкаса войнась

Ассошиэйтед Пресс агентствась пачфнесы, што английский артиллериясь, ащемоц ниле милян вастса Тобрукть оборонань линиян эзда, бомбардирует итальянецнень внешнай укреплениясон и артиллерийский позициясон. Тяжелай артиллериясь нинге действияс апак сувафт. Итальянский артиллериясь тя лицендемати отвечакиши сяда

лафчста. Агентстват валонзон коряс, англйчаттне арьсикхть, што итальянский сопротивлениясь может улемс виияффт Ливияса, сяс мес тя фронтти этафт германский воздушнай вийхть.

(ТАСС).

Врид. ответ. редакторсь Дм. РОДИН.